

Hospital yako inakujali



Zungumza nasi kuhusiana na kusaidiwa kulipa bili yako

Endapo huna bima ya afya, tutakupunguzia bili yako ya hospitali. Huenda pia ukastahiki msaada mwingine wa kifedha. Taarifa zote ni siri kubwa. Tutembelee au tupigie simu kupitia 314-362-8400 au 855-362-8400.

BJC ingependa kuwasaidia wagonjwa ambao hawana bima ya afya au ambao wanahitaji msaada wa kulipa bili zao za hospitalini. Kama asasi ambayo haitengenezi faida, BJC na hospitali washirika wetu na asasi nyingine za huduma za afya zinajali wagonjwa na jamii tunazozihudumia kupitia afya bora na huduma za afya bora zaidi.

Wafanyakazi wetu wanaweza kukusaidia:

- Kuomba bima ya afya kupitia huduma ya Marketplace
- Kuomba msaada wa bima ya Medicaid
- Kubaini endapo unastahiki msaada wa kifedha kutoka BJC

Msaada wa Kifedha wa BJC

Kabla ya yote, hali yako ya kifedha haitaathiri huduma yako. Wagonjwa wote hupewa heshima na usawa. Wagonjwa ambao wanafikia miongozo fulani ya kipato wanaweza kustahiki msaada wa kifedha wa BJC, ikiwa ni pamoja na gharama zilizopunguzwa za hospitali na mipango ya malipo ya muda mrefu na isiyotozwa riba. Wagonjwa ambao wanastahiki msaada wa kifedha watalipishwa bili kwa kiasi kidogo zaidi ya kile ambacho kwa kawaida hutozwa watu wenye bima inayolipia huduma hiyo. Maelezo kuhusu kiasi ambacho kwa kawaida hutozwa na ukokotoaji wake, yanapatikana kwa kupiga simu 314-362-8400 au 855-362-8400 au kupitia www.bjc.org.

Endapo una bima ya afya na una maswali kuhusu bima na kiwango cha manufaa yako, tafadhali wasiliana na mtoa huduma wa bima yako.

Wagonjwa wasio na bima watapata punguzo la moja kwa moja la asilimia 40 kwa gharama zinazotozwa na watazingatiwa kwa msaada. Kwa kutegemea aina ya huduma na kiwango cha msaada wa kifedha, kiasi fulani cha malipo kinaweza kuhitajika. Tunaweza kukupatia chati ya kipato na punguzo ya sera ya msaada wa kifedha ambayo inaonyesha kiasi cha kulipa endapo utaomba.

Idhini ya msaada wa kifedha itatumika kwa miezi 12 tangu tarehe ilipoidhinishwa. Wagonjwa ambao watapata huduma katika kipindi hiki sharti watuarifu juu ya miadi hiyo kwa kupiga simu 314-362-8400 au 855-362-8400 ili msaada wa kifedha uweze kuombwa. Upekee wa kutofuata vigezo vya kupata msaada wa kifedha unaweza kuzingatiwa kulingana na hali ya mtu.

Uombaji Msaada wa Kifedha

Unaweza kuomba msaada wa kifedha muda wowote - kabla, wakati au baada ya huduma yako, hadi siku 240 baada ya bili yako ya kwanza. Tutatuma maelezo pamoja na bili yako kuhusu namna ya kuomba msaada. Maombi pia yanapatikana kwa kuomba kwenye kituo chochote cha BJC, kwenye tovuti zetu na kupitia www.bjc.org. Maombi yanahitaji uthibitisho wa kipato kama vile taarifa za malipo ya kodi ya mapato au stakabadhi za malipo ya mshahara. Mifano ya nyaraka ambazo zinaweza kutumika kama uthibitisho wa kipato inaweza kuonekana kwenye fomu ya maombi.

(Upande wa pili)

Wagonjwa ambao wamesajiliwa na Medicaid au ambao wanachukuliwa kuwa wanastahiki kuingia mpango wa Gateway to Better Health kwa miezi sita iliyopita wanastahiki moja kwa moja msaada wa kifedha kwa huduma za matibabu ambazo hazilipwi na Medicaid. (Utofauti pekee ni kama usajili uliopita wa Medicaid ulitokana na ujauzito. Katika hali hiyo, bado unaweza kuomba kupata msaada wa kifedha.)

Zaidi ya hayo, wagonjwa wanaweza kuidhinishwa kupata msaada wa kifedha kwa kutumia mbinu ya kawaida ya uchambuzi ambayo hukadiria hadhi ya kifedha na/au kijamii-kiuchumi ya mgonjwa. Ustahiki wa aina hii ya msaada sio hakikisho la ustahiki wa moja kwa moja wa mgonjwa huyo ya kusaidiwa kwenye hali za siku zijazo.

Ustahiki wa Kimatibabu kwa Msaada wa Kifedha

Hospitali za BJC zitatoa, bila ya upendeleo, huduma za matibabu za dharura kwa wagonjwa wote wanaohitaji huduma hiyo, bila kujali uwezo wa kulipa au kustahiki kupata msaada wa kifedha, kwa mujibu wa masharti ya Sheria ya Matibabu ya Dharura na Kufunguka kwa Uterasi ili Kujifungua (Emergency Medical Treatment and Active Labor Act, EMTALA).

Msaada wa Kifedha unapatikana tu kwa huduma za dharura na zilizo muhimu kitabibu. Hautumiki kwa taratibu za kupenda mwenyewe kama vile upasuaji bandia wa urembo. Pia hautumiki kwa sehemu ya huduma zako ambazo zimeshalipiwa na mhusika mwingine kama vile kampuni za bima au mpango wa serikali.

Msaada wa Kifedha unapatikana kwa wagonjwa wote wanaoishi Missouri na Illinois na wagonjwa wote wanaopata huduma kutoka vituo vya National Health Service Corps (NHSC) bila ya kujali wanaishi wapi.

Vituo vya NHSC ni pamoja na Missouri Baptist Sullivan Hospital Bourbon Medical Office, Cuba Medical Office, Steelville Medical Office, na Sullivan Medical Office; na Parkland Health Center Medical Clinic.

Orodha ya watoa huduma ambao hawakujumuishwa chini ya sera ya fedha ya BJC inapatikana kwa kupiga simu 314-362-8400 au 855-362-8400 au kielektroniki katika kupitia www.bjc.org.

Miongozo ya Kipato kwa Msaada wa Kifedha

Kiasi cha msaada wa kifedha unaopata unatokana na taarifa za Kiwango cha Umaskini cha Shirikisho kinachowekwa na serikali ya Marekani kila mwaka. Ili kustahiki kupewa punguzo, kipato cha familia yako ni lazima kisizidi mara tatu zaidi ya Kiwango cha Umaskini cha Shirikisho (asilimia 300). Tunaweza kukupatia chati ya kipato na punguzo ya sera ya msaada wa kifedha ambayo inaonyesha viwango hivi vya kipato endapo utaomba. Zaidi ya kipato chako, punguzo pia litatilia maanani ukubwa wa familia yako. Wagonjwa wenye kipato cha familia kinachozidi \$100,000 kwa mwaka hawastahiki msaada wa kifedha wa BJC, bila ya kujali ukubwa wa familia. Wakazi wa Illinois ambao hawana bima wanaopata huduma kwenye hospitali za Alton Memorial, Memorial Hospital Belleville na Memorial Hospital East wanaweza kustahiki mapunguzo ya ziada chini ya Sheria ya Punguzo kwa Mgonjwa asiye na Bima Hospitalini ya Illinois (Illinois Hospital Uninsured Patient Discount Act).

Miongozo ya Kipato kwa Matukio ya Majanga

Kunapokuwa na tukio la janga la kimatibabu, wagonjwa ambao kwa kawaida wanaweza wasistahiki kupata msaada wa kifedha watapewa msaada.

Katika hali za kipekee kama hizi, majukumu ya mgonjwa ya kulipa kwa kipindi cha miezi 12 hayatakuwa zaidi ya asilimia 20 ya kipato cha familia kwa mwaka.

Pata Maelezo Zaidi

Unaweza kupata maelezo ya ziada kuhusiana na sera na maombi ya msaada wa kifedha wa BJC, au tuma maombi ya kupokea notisi ya kimaandishi au mawasiliano ya kielektroniki kwa kuongea na wakilishi wa Huduma za Wagonjwa au kwa kutupigia simu kupitia 314-362-8400 au 855-362-8400. Maelezo na fomu za maombi pia zinapatikana kwenye www.bjc.org. Tafadhali jisikie huru kuulizia kuhusu msaada wa kifedha. Tuko hapa kukusaidia.

BJC Healthcare inatii sheria zinazohusika za haki za kiraia na haibagui kwa misingi ya umbari, rangi, asili ya utaifa, umri, ulemavu au jinsia. Atención: hay servicios de asistencia de idiomas disponibles a su disposición sin costo. Llame al 314-273-1487 (TTY: 1-800-735-2966).

注意：免费提供语言协助服务，如有需要敬请致电314-273-1487 (TTY: 1-800-735-2966)。